

ստորոտների մշակած հողերը. դրանք են Աֆուսի, Խօյգանի, Վերին և Ներքին Ախոռանների, Սանգիբարանի ևայլն հողերը:

3) Ագապաշի սար: Այս սարի մի ստն սկսում է Աշկերտ պարսկաբնակ գիւղից և երկարաձգւում է մինչև Նահըրխալաջը. ունի սակաւաջուր աղբիւրներ՝ միայն տեղ տեղ:

4) Փօքփունի սար կամ Բախսեարի լեռնաեղթայ: Սա միայն համանուն լեռնաշղթայի՝ Փէրիայի հարաւային պատարը կազմող մասն է, որ ունի առատ բուսականութիւն և ջուր:

5) Հեթումի սար: Սկսում է Զիգան գիւղից և ձգւում մինչև Դրախտակ. ջուր չունի:

6) Պուլուզի սար: Սա բռնում է երկու գիւղեր՝ Կուլամիր և Խնանլըճա. ջրից զուրկ է:

Այս լեռները գաւառի մէջ կազմում են անթիւ զւարճալի հովիտներ և մեծ ու փոքր սիրուն ձորեր, որոնց լանջերը մեծ մասամբ ծածկւած են դալար խոտերով:

Ձրերը: Այս գաւառում գտնուող մի քանի գետակներ, որ Զայենդէրուզի վերին օժանդակներն են, ամբողջ Փէրիայի շրջանի գեղեցկութիւնն ու զարդն են կազմում և որոնք սկիզբն են առնում Դօմբինայի, Բօյինի, Աֆուսի և Ախոռայի խորշերից և ապա ոլորապտոյտ հոսելով գրկախառնւում են իրենց մայր՝ Զայենդէրուզի հետ և անցնում Փէրիայի հարաւ-արեւելեան երկարութեամբ, մեծ և փոքր առուններով ջուր մատակարարում աջ ու ձախ կողմերում գտնւած գիւղերին և այսպիսով ոռոգում բովանդակ գաւառը. ապա գետն այգտեղից ուղղելով ընթացքը դէպի արեւելք՝ սկսում է հեռանալ Փէրիայի սահմաններից, գնում է մինչև Սպահան — Նոր-Ջուղա, ուր և ոռոգում է նրանց սահմանները: Զնայելով որ այս գետը նաւարկութեան չի ծառայում, բայց արտադրում է անուշահամ ձկներ:

Զայենդէրուզի Փէրիայի օժանդակներից անւանի են. — Նամակերտում մեծ և փոքր վտակները, որոնց գիւղացիներն